

# ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

## ՈՐՈՇՈՒՄ

«\_\_\_» \_\_\_\_\_ 2020 թվականի

N \_\_\_\_-Ն

ք.Ստեփանակերտ

### ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2018 ԹՎԱԿԱՆԻ ՄԱՅԻՍԻ 11-Ի N 350-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

«Նորմատիվ իրավական ակտերի մասին» օրենքի 37-րդ հոդվածին համապատասխան՝ Արցախի Հանրապետության կառավարությունը **որոշում է**.

1. Արցախի Հանրապետության կառավարության 2018 թվականի մայիսի 11-ի «Արցախի Հանրապետությունում բուսաբուծության համալիր զարգացման ծրագիրը հաստատելու մասին» N 350-Ն որոշման հավելվածում կատարել հետևյալ փոփոխությունը և լրացումները.

1) 23-րդ կետը շարադրել հետևյալ խմբագրությամբ.

«23. Բազմամյա տնկարկների և միամյա մշակաբույսերի մշակության համար ոռոգման ժամանակակից տեխնոլոգիայի տեղադրում՝ համակարգի արժեքի անհատույց և (կամ) անտոկոս փոխառության միջոցով.

1) պետական աջակցության տրամադրման չափանիշները ներկայացված են N 4 աղյուսակում.

2) պետական աջակցության տրամադրման պարտադիր պայման է հանդիսանում մեկ կուլտուրայի հաշվով նվազագույնը 1 հեկտար (բացառությամբ 0,5 մինչև 1 հեկտար մակերեսով բազմամյա տնկարկների), իսկ բանջարեղենի մասով՝ նվազագույնը 0,5 հեկտար մակերեսով հողատարածքի համար ոռոգման ժամանակակից տեխնոլոգիայի տեղադրման նպատակով հայտի ներկայացումը, այդ հողատարածքը ոռոգման ջրով ապահովված, իսկ բազմամյա տնկարկների դեպքում՝ նաև տունկը կատարված լինելը.

3) ոռոգման կաթիլային, ենթահողային և շիթային համակարգերով 1 և ավելի հեկտար նոր հիմնադրվող և մինչև 2 տարեկան բազմամյա տնկարկների, ծխախոտի և այլ միամյա մշակաբույսերի, 0,5 և ավելի հեկտար բանջարեղենի, ինչպես նաև ոռոգման անձրևացման ստացիոնար համակարգով 1 և ավելի հեկտար այլ միամյա մշակաբույսերի մշակության համար 1 հեկտարի հաշվարկով ոռոգման ժամանակակից տեխնոլոգիայի արժեքի 1 500 000 ՀՀ դրամը գերազանցելու դեպքում անհատույց և անտոկոս փոխառությամբ տրամադրվում է

750 000-ական ՀՀ դրամ, իսկ համակարգի արժեքի գերազանցող մասի չափով աշխատանքները պետք է իրականացվեն հողօգտագործողների միջոցներով.

4) ոռոգման կաթիլային, ենթահողային և շիթային համակարգերով 1 և ավելի հեկտար 3 և բարձր տարիքի բազմամյա տնկարկների մշակության համար մեկ հեկտարի հաշվարկով տրամադրվում է առավելագույնը 1 500 000 ՀՀ դրամ՝ անտոկոս փոխառության տեսքով, իսկ համակարգի արժեքի 1 500 000 ՀՀ դրամը գերազանցելու դեպքում՝ գերազանցող մասի չափով աշխատանքները պետք է իրականացվեն հողօգտագործողների միջոցներով.

5) 1 և ավելի հեկտար տնկարանային տնտեսություններում ոռոգման կաթիլային, ենթահողային և շիթային համակարգեր տեղադրելու համար 1 հեկտարի հաշվարկով ոռոգման ժամանակակից տեխնոլոգիայի արժեքի 2 000 000 ՀՀ դրամը գերազանցելու դեպքում անհատույց և անտոկոս փոխառությամբ տրամադրվում է 1 000 000-ական ՀՀ դրամ, իսկ համակարգի արժեքի գերազանցող մասի չափով աշխատանքները պետք է իրականացվեն հողօգտագործողների միջոցներով.

6) 0,5 մինչև 1 հեկտար մակերեսով հողատարածքում ոռոգման կաթիլային համակարգով նոր հիմնադրվող և (կամ) բարձր տարիքի բազմամյա տնկարկների մշակության համար անհատույց տրամադրվում է ըստ նախահաշվի կազմված համակարգի 70 տոկոսը, բայց ոչ ավել քան 560 000 ՀՀ դրամ, իսկ համակարգի արժեքի մնացած մասի չափով աշխատանքները պետք է իրականացվեն հողօգտագործողների միջոցներով.

8) ոռոգման անձրևացման շարժական համակարգով 1 և ավելի հեկտար այլ միամյա մշակաբույսերի մշակության համար համակարգի արժեքի 50 տոկոսը տրամադրվում է անհատույց, բայց ոչ ավել քան 7 500 000 ՀՀ դրամ, մյուս 50 տոկոսը՝ անտոկոս փոխառության տեսքով, իսկ համակարգի արժեքը տրամադրվող պետական աջակցության չափը գերազանցելու դեպքում գերազանցող մասը և համակարգի տեղադրման արժեքը տրամադրվում է հողօգտագործողների կողմից.

9) նույն հողատարածքում կամ դրա մաս կազմող հողատարածքում ոռոգման կաթիլային, ենթահողային և շիթային համակարգերով ծխախոտի, բանջարեղենի և այլ միամյա մշակաբույսերի մշակության նպատակով երկրորդ և հաջորդող տարիների համար տրամադրվում է մեկ հեկտարի հաշվարկով 500 000 ՀՀ դրամ՝ անհատույց միայն կաթոցիկներով ներդրված միջշարային պոլիէթիլենային խողովակների փոխարինման նպատակով.

10) հանձնաժողովն Արցախի Հանրապետության շրջանների վարչակազմերի կողմից տեղեկությունների ներկայացման վերջնաժամկետից հետո քսանօրյա ժամկետում ստուգում է ներկայացված փաստաթղթերի հավաստիությունը, տեղում ճշտում է հողատարածքների մակերեսները, ոռոգման ժամանակակից տեխնոլոգիաներ տեղադրելու հնարավորությունները և պայմանները, տվյալ հողատարածքում ոռոգման ջրի առկայությունը և ոռոգման ժամանակակից տեխնոլոգիաների ներդրման նպատակահարմարությունը և այդ պահանջները բավարարող հողօգտագործողների համար սահմանում է ժամկետ՝ ոռոգման ժամանակակից տեխնոլոգիաների (բացառությամբ 0,5 մինչև 1 հեկտար մակերեսով բազմամյա տնկարկների և շարժական անձրևացման

համակարգերի) տեղադրման նախագծանախահաշվային փաստաթղթերը (այսուհետ՝ փաստաթղթեր) ներկայացնելու նպատակով: Փաստաթղթերի մեկ փաթեթը կազմվում է մեկ կազմակերպության կողմից:

11) Համապատասխան կազմակերպությունների կողմից կազմված և նախարարություն ներկայացված փաստաթղթերը ենթարկվում են փորձաքննության՝ պետական բյուջեով այդ նպատակով նախատեսված միջոցներով.

12) 0,5 մինչև 1 հեկտար մակերեսով հողատարածքում ոռոգման կաթիլային համակարգով նոր հիմնադրվող և (կամ) բարձր տարիքի բազմամյա տնկարկների մշակության դեպքում հողօգտագործողները նախարարություն են ներկայացնում ոռոգման կաթիլային համակարգի տեղադրման նախահաշիվը.

13) ոռոգման կաթիլային, ենթահողային և շիթային համակարգերով 1 և ավելի հեկտար նոր հիմնադրվող և մինչև 2 տարեկան, 3 և բարձր տարիքի բազմամյա տնկարկների, տնկարանային տնտեսությունների, ինչպես նաև ոռոգման անձրևացման ստացիոնար համակարգով միամյա մշակաբույսերի մշակությամբ զբաղվող հողօգտագործողների համար ոռոգման ժամանակակից տեխնոլոգիաներ տեղադրելու նպատակով նախարարության կողմից սահմանված ժամկետում ոռոգման ժամանակակից տեխնոլոգիաներ տեղադրող լիցենզավորված ընկերությունները (այսուհետ՝ ընկերություններ) նախարարություն են ներկայացնում հայտ՝ համաձայն N 3 ձևի.

14) հանձնաժողովը փորձաքննության, իսկ սույն կետի 12-րդ ենթակետում նշված դեպքում նախահաշվի ուսումնասիրման արդյունքների հիման վրա տասնօրյա ժամկետում ընդհանրացնում և տալիս է եզրակացություն, միաժամանակ նախարարություն ներկայացնելով առաջարկություն դրական եզրակացություն ստացած՝

ա. ոռոգման կաթիլային, ենթահողային և շիթային համակարգերով ծխախոտ, բանջարեղեն և այլ միամյա մշակաբույսեր,

բ. ոռոգման կաթիլային համակարգով 0,5 մինչև 1 հեկտար մակերեսով հողատարածքում նոր հիմնադրվող և (կամ) բարձր տարիքի բազմամյա տնկարկներ՝ նշելով անհատույց տրամադրման ենթակա ֆինանսական միջոցների չափը.

15) նախարարությունը փորձաքննության արդյունքների հիման վրա տասնօրյա ժամկետում հիմնադրամ է ներկայացնում դրական եզրակացություն ստացած հողօգտագործողների ցանկը, նշելով՝

ա. ոռոգման կաթիլային, ենթահողային և շիթային համակարգերով ծխախոտի, բանջարեղենի և այլ միամյա մշակաբույսերի մշակության մասով՝ անտոկոս փոխառությամբ տրամադրման ենթակա գումարը,

բ. ոռոգման կաթիլային, ենթահողային և շիթային համակարգերով 1 և ավելի հեկտար նոր հիմնադրվող և մինչև 2 տարեկան բազմամյա տնկարկների, 3 և բարձր տարիքի բազմամյա տնկարկների, տնկարանային տնտեսությունների, ինչպես նաև անձրևացման ստացիոնար համակարգով այլ միամյա մշակաբույսերի մշակության մասով՝ անհատույց և (կամ) անտոկոս փոխառությամբ տրամադրման ենթակա գումարները,

գ. ոռոգման անձրևացման շարժական համակարգով այլ միանյա մշակաբույսերի մշակության մասով՝ անհատույց և (կամ) անտոկոս փոխառությամբ տրամադրման ենթակա գումարները.

16) սույն կետի 15-րդ ենթակետում նշված տեղեկությունների հետ միաժամանակ հիմնադրամ է ուղարկվում անտոկոս փոխառությամբ տրամադրված գումարների՝ մշակվող կուլտուրայի յուրահատկություններից կախված, վերադարձման ժամկետների կամ վաղաժամկետ մարման հնարավորության մասին տեղեկություններ՝ պետական աջակցության գործընթացն ապահովելու նպատակով.

17) ծխախոտի մշակության համար ոռոգման ժամանակակից տեխնոլոգիա տեղադրելու նպատակով անտոկոս փոխառությամբ տրամադրված գումարները ենթակա են վերադարձման մինչև ընթացիկ տարվա դեկտեմբերի 20-ը.

18) հիմնադրամը դրական եզրակացություն ստացած՝

ա. սույն կետի 15-րդ ենթակետի «ա» պարբերությունով նախատեսված կուլտուրաների մշակությամբ զբաղվող հողօգտագործողների հետ կնքում է անտոկոս փոխառության պայմանագրեր՝ նախատեսելով սույն կետի 16-րդ և 17-րդ ենթակետերով նախատեսված դրույթները,

բ. սույն կետի 15-րդ ենթակետի «բ» պարբերությունով նախատեսված կուլտուրաների մշակությամբ զբաղվող հողօգտագործողների և ընտրված ընկերությունների հետ տասնհինգօրյա ժամկետում կնքում է համապատասխան (եռակողմ) պայմանագրեր՝ նախատեսելով սույն կետի 16-րդ ենթակետով նախատեսված դրույթները,

գ. սույն կետի 15-րդ ենթակետի «գ» պարբերությունով նախատեսված կուլտուրաների մշակությամբ զբաղվող հողօգտագործողների հետ կնքում է անհատույց և անտոկոս փոխառությամբ տրամադրման պայմանագրեր՝ նախատեսելով սույն կետի 16-րդ ենթակետով նախատեսված դրույթները,

19) հիմնադրամը սույն կետի 16-րդ և 17-րդ ենթակետերով նախատեսված գումարների լրիվ կամ մասնակի վերադարձման դեպքում՝ ապահովում է դրանց փոխանցումը պետական բյուջե.

20) նախարարությունը դրական եզրակացություն ստացած սույն կետի 14-րդ ենթակետում նշված կուլտուրաներ մշակող հողօգտագործողների հետ կնքում է ֆինանսական միջոցների անհատույց տրամադրման պայմանագրեր.

21) հիմնադրամը յուրաքանչյուր ամիս, մինչև տվյալ ամսվան հաջորդող ամսվա 10-ը, նախարարություն է ներկայացնում տեղեկություններ իրականացրած աշխատանքների վերաբերյալ.

22) ընկերությունների կողմից ոռոգման ժամանակակից տեխնոլոգիաների տեղադրման աշխատանքների ընդունումն իրականացվում է հիմնադրամի և Արցախի Հանրապետության գյուղատնտեսության նախարարի հրամանով ստեղծված համապատասխան հանձնաժողովի կողմից.

23) նախարարությունը հիմք ընդունելով սույն կետի 21-րդ ենթակետում նշված տեղեկությունները՝ կազմակերպում է մասնագիտական որակավորում ունեցող անձի կողմից

պայմանագրային հիմունքներով օբյեկտի շինման տաժային աշխատանքների նկատմամբ տեխնիկական հսկողության ծառայության մատուցումը՝ պետական բյուջեով նախատեսված միջոցներով.

24) ոռոգման ժամանակակից տեխնոլոգիաների ոչ նպատակային օգտագործման դեպքում դրանց արժեքները ենթակա են վերադարձման, ընդ որում՝ անտոկոս փոխառության մասով՝ վաղաժամկետ.

25) հիմնադրամը, յուրաքանչյուր եռամսյակի ավարտից հետո, բայց ոչ ուշ քան մինչև եռամսյակին հաջորդող ամսվա 10-ը, նախարարություն է ներկայացնում տեղեկություններ՝ տրամադրված և վերադարձված ու պետական բյուջե փոխանցված գումարների մասին.

26) ոռոգման կաթիլային, ենթահողային և շիթային համակարգերով բանջարեղենի և այլ միամյա մշակաբույսերի մշակության համար ոռոգման ժամանակակից տեխնոլոգիաների արժեքի 50 տոկոսի չափով անտոկոս փոխառության տրամադրումն իրականացվում է հիմնադրամի միջոցներով:».

2) 24-րդ կետի 1-ին ենթակետում «նռան այգի հիմնադրելու» բառերից հետո լրացնել «, ինչպես նաև արդեն հիմնադրված այգին ինտենսիվացնելու» բառերը.

3) լրացնել նոր N 4 աղյուսակ՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից, իսկ դրա գործողությունը տարածվում է 2020 թվականի հունվարի 1-ից հետո ծագած հարաբերությունների վրա:

**«Հաստատում են»**

**ԱՐՅԱԽԻ ՀԱՆՐԱՊԵՏՈՒԹՅԱՆ  
ՆԱԽԱԳԱՀ**

**Ա. ՀԱՐՈՒԹՅՈՒՆՅԱՆ**

**ՀԱՄԱՁԱՅՆԵՑՄԱՆ ԹԵՐԹ  
ՈՐՈՇՄԱՆ ՆԱԽԱԳԻԾԸ ՀԱՄԱՁԱՅՆԵՑՎԱԾ Է՛**

Հ/Հ	ՇԱՀԱԳՐԳԻՌ ՊԵՏԱԿԱՆ ԿԱՌԱՎԱՐՄԱՆ ՄԱՐՄԻՆԸ	ՂԵԿԱՎԱՐԻ ԱԶԳԱՆՈՒՆԸ	ՍՏՈՐԱԳՐՈՒ- ԹՅՈՒՆԸ	ԹՎԱԳՐՈՒ ՄԸ
1.	ԱՀ ՊԵՏԱԿԱՆ ՆԱԽԱՐԱՐ	Գ. ՄԱՐՏԻՐՈՍՅԱՆ		
2.	ԱՀ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅՈՒՆ	Ս. ԱՎԵՏԻՍՅԱՆ		
3.	ԱՀ ՖԻՆԱՆՍՆԵՐԻ ՆԱԽԱՐԱՐՈՒԹՅՈՒՆ	Վ. ԲԱՂԴԱՍԱՐՅԱՆ		
4.	ԱՀ ՆԱԽԱԳԱՀԻ ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ ԿԱՌԱՎԱՐՉՈՒԹՅԱՆ ՊԵՏ	Ա. ԼԱԶԱՐՅԱՆ		

Առաջարկությունները և առարկությունները \_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

**Նախագիծը ներկայացնողը՝  
ԱՀ գյուղատնտեսության նախարար**

**Ա. Բախշիյան**

« \_\_\_\_\_ » \_\_\_\_\_ 2020 թ.

Հավելված  
Արցախի Հանրապետության կառավարության  
2020 թվականի \_\_\_\_\_-ի  
N \_\_\_\_\_-Ն որոշման

**Աղյուսակ N 4**

h/h	Մշակվող կուլտուրայի տեսակը	Մշակվող կուլտուրայի տարիքը	Մշակվող հողամասի մակերեսը	Ոռոգման ժամանակակից տեղեկությունների վերաբերյալ տեսակը	Աջակցության առավելագույն չափը 1-ին տարվա համար 1 հեկտարի հաշվարկով (բացառությամբ անձրևացման շարժական համակարգի)	Աջակցության ձևը 1-ին տարվա համար		Ֆինանսական միջոցներ տրամադրվող 1-ին տարվա համար		Ֆինանսավորման աղբյուրը 1-ին տարվա համար		Աջակցության առավելագույն չափը 2-րդ և հաջորդ տարիների համար 1 հեկտարի հաշվարկով	Աջակցության ձևը 2-րդ և հաջորդ տարիների համար	Ֆինանսական միջոցներ տրամադրվող 2-րդ և հաջորդ տարիների համար	Ֆինանսավորման աղբյուրը 2-րդ և հաջորդ տարիների համար
						անհատույց	անտրոկոս փոխառություն	ԱՀ ԳՆ	ԼԴՀ ԳԳԱՀ	ԱՀ պետական բյուջե	ԼԴՀ ԳԳԱՀ միջոցներով				
1	Բազմամյա տնկարկներ	նոր հիմնադրվող և մինչև 2 տարեկան	1 և ավելի հեկտար	կաթիլային, ենթահողային, շիթային համակարգեր	1 500 000	50%	50%	-	եռակողմ պայմանագիր	100%	-	-	-	-	-
		3 ու բարձր տարիքի	1 և ավելի հեկտար	կաթիլային, ենթահողային, շիթային համակարգեր	1 500 000	-	100%	-	եռակողմ պայմանագիր	100%	-	-	-	-	-
		ցանկացած տարիքի	0,5 մինչև 1 հեկտար	կաթիլային համակարգ	800 000	70%	-	դրամաշնորհի պայմանագիր	-	100%	-	-	-	-	-
2	Տնկարանային տնկարկներ	-	1 և ավելի հեկտար	կաթիլային, ենթահողային, շիթային համակարգեր	2 000 000	50%	50%	-	եռակողմ պայմանագիր	100%	-	-	-	-	
3	Ծխախոտ	-	1 և ավելի հեկտար	կաթիլային, ենթահողային, շիթային համակարգեր	1 500 000	50%	50%	50% դրամաշնորհի պայմանագիր	50% անտրոկոս փոխառության պայմանագիր	100%	-	500 000	100%	դրամաշնորհի պայմանագիր	100%
4	Բանջարեղեն	-	0,5 և ավելի հեկտար	կաթիլային, ենթահողային, շիթային համակարգեր	1 500 000	50%	50%	50% դրամաշնորհի պայմանագիր	50% անտրոկոս փոխառության պայմանագիր	50% դրամաշնորհ	50% անտրոկոս փոխառություն	500 000	100%	դրամաշնորհի պայմանագիր	100%
5	Այլ միամյա մշակաբույսեր	-	1 և ավելի հեկտար	կաթիլային, ենթահողային, շիթային և անձրևացման սպառնալից համակարգեր	1 500 000	50%	50%	50% դրամաշնորհի պայմանագիր	50% անտրոկոս փոխառության պայմանագիր	50% դրամաշնորհ	50% անտրոկոս փոխառություն	500 000	100%	դրամաշնորհի պայմանագիր	100%
				անձրևացման շարժական համակարգեր	15 000 000	50%	50%	50% դրամաշնորհի պայմանագիր	50% անտրոկոս փոխառության պայմանագիր	50% դրամաշնորհ	50% անտրոկոս փոխառություն	-	-	-	-

**ԱՐՑԱՒԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ  
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ  
ԿԱՌԱՎԱՐՉՈՒԹՅԱՆ ՊԵՏ**

**Ա. ԼԱԶԱՐՅԱՆ**

## **ՀԻՄՆԱՎՈՐՈՒՄ**

### **«ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2018 ԹՎԱԿԱՆԻ ՄԱՅԻՍԻ 11-Ի N 350-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ**

#### **Անհրաժեշտությունը**

«Արցախի Հանրապետության կառավարության 2018 թվականի մայիսի 11-ի N 350-Ն որոշման մեջ փոփոխություն և լրացումներ կատարելու մասին» Արցախի Հանրապետության կառավարության որոշման նախագծի ընդունման անհրաժեշտությունը պայմանավորված է Բուսաբուծության համալիր զարգացման ծրագրի շրջանակներում պետական աջակցության նոր միջոցառումներ սահմանելու անհրաժեշտությամբ:

#### **Ընթացիկ իրավիճակը և խնդիրները**

Արցախի Հանրապետության կառավարության 2018 թվականի մայիսի 11-ի N 350-Ն որոշմամբ հաստատվել է Բուսաբուծության համալիր զարգացման ծրագիրը, որը նախատեսված է մի քանի տարիների համար:

Օբյեկտիվ պահանջ է առաջացել պետական աջակցությամբ կատարվող միջոցառումները համապատասխանեցնել 2020 թվականին գյուղատնտեսության ոլորտում Արցախի Հանրապետության կառավարության կողմից տարվող քաղաքականությանը:

#### **Նպատակը և բնույթը**

Սույն որոշման նախագծի հիմնական նպատակն է շտկել Բուսաբուծության համալիր զարգացման ծրագրի շրջանակներում տրամադրվող աջակցության միջոցառումները՝ սահմանելով պետական աջակցության նոր միջոցառումներ:

#### **Ակնկալվող արդյունքը**

«Արցախի Հանրապետության կառավարության 2018 թվականի մայիսի 11-ի N 350-Ն որոշման մեջ լրացումներ և փոփոխություններ կատարելու մասին» Արցախի Հանրապետության կառավարության որոշման նախագծի ընդունման արդյունքում կամրագրվեն բուսաբուծության ոլորտում 2020 թվականին իրականացվելիք միջոցառումները, պետական աջակցության ձևերը և չափերը:

#### **Նախագծի մշակման գործընթացում ներգրավված անձինք**

Նախագիծը մշակվել է Արցախի Հանրապետության գյուղատնտեսության նախարարության աշխատակազմի բուսաբուծության և բույսերի պաշտպանության վարչության և իրավաբանական բաժնի կողմից:



**Այլ տեղեկություններ**

«Արցախի Հանրապետության կառավարության 2018 թվականի մայիսի 11-ի N 350-Ն որոշման մեջ փոփոխություն և լրացումներ կատարելու մասին» Արցախի Հանրապետության կառավարության որոշման նախագիծը սահմանված կարգով դրվել է հանրային քննարկման Արցախի Հանրապետության գյուղատնտեսության նախարարության պաշտոնական կայքէջում: Սահմանված ժամկետներում առաջարկություններ կամ դիտողություններ չեն ստացվել:

**ԱՀ ԳՅՈՒՂԱՏՆՏԵՍՈՒԹՅԱՆ  
ՆԱԽԱՐԱՐ**

**Ա. ԲԱԽՇԻՅԱՆ**

**Տ Ե Ղ Ե Կ Ա Ն Ք**

**«ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2018 ԹՎԱԿԱՆԻ ՄԱՅԻՍԻ 11-Ի N 350-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ»**

**ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՐՑԱԽԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԿԱՄ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ ԲՅՈՒՋԵՆԵՐՈՒՄ ԾԱԽՍԵՐԻ ԵՎ ԵԿԱՄՈՒՏՆԵՐԻ ԷԱԿԱՆ ԱՎԵԼԱՑՈՒՄՆԵՐԻ ԿԱՄ ՆՎԱԶԵՑՈՒՄՆԵՐԻ ՄԱՍԻՆ**

«Արցախի Հանրապետության կառավարության 2018 թվականի մայիսի 11-ի N 350-Ն որոշման մեջ փոփոխություն և լրացումներ կատարելու մասին» Արցախի Հանրապետության կառավարության որոշման նախագծի ընդունման կապակցությամբ Արցախի Հանրապետության պետական կամ տեղական ինքնակառավարման մարմինների բյուջեներում ծախսերի և եկամուտների ավելացումներ կամ նվազեցումներ չեն նախատեսվում:

**Տ Ե Ղ Ե Կ Ա Ն Ք**

**«ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2018 ԹՎԱԿԱՆԻ ՄԱՅԻՍԻ 11-Ի N 350-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ»**

**ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

«Արցախի Հանրապետության կառավարության 2018 թվականի մայիսի 11-ի N 350-Ն որոշման մեջ փոփոխություն և լրացումներ կատարելու մասին» Արցախի Հանրապետության կառավարության որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջացնում:

**ԱՀ ԳՅՈՒՂԱՏՆՏԵՍՈՒԹՅԱՆ  
ՆԱԽԱՐԱՐ**

**Ա. ԲԱԽՇԻՅԱՆ**

**ԻՐԱՎԱԿԱՆ-ՓՈՐՁԱԳԻՏԱԿԱՆ ԵԶՐԱԿԱՑՈՒԹՅՈՒՆ**  
**«ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2018 ԹՎԱԿԱՆԻ ՄԱՅԻՍԻ 11-Ի**  
**N 350-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ»**  
**ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ**

«Արցախի Հանրապետության կառավարության 2018 թվականի մայիսի 11-ի N 350-Ն որոշման մեջ փոփոխություն և լրացումներ կատարելու մասին» Արցախի Հանրապետության կառավարության որոշման նախագծի վերաբերյալ առաջարկություններ և դիտողություններ չկան:

**ԱՀ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅԱՆ**  
**ԱՇԽԱՏԱԿԱԶՄԻ ԻՐԱՎԱԲԱՆԱԿԱՆ ԲԱԺՆԻ ՊԵՏ**

**ԵՎ ՀԱԿՈՐՅԱՆ**

**ԱՀ ԿԱՌԱՎԱՐՈՒԹՅԱՆ  
ՈՐՈՇՈՒՄՆԵՐԻ ԱՌԱՔՄԱՆ ԹԵՐԹԻԿ**

***Որոշման նախագծի անվանումը՝***

«Արցախի Հանրապետության կառավարության 2018 թվականի մայիսի 11-ի N 350-Ն որոշման մեջ փոփոխություն և լրացումներ կատարելու մասին»

***Նախագիծը ներկայացնողը՝***

ԱՀ գյուղատնտեսության նախարարություն

***ԱՀ կառավարության որոշումն ուղարկել՝***

1. ԱՀ գյուղատնտեսության նախարարություն
2. ԱՀ արդարադատության նախարարություն
3. ԱՀ ֆինանսների նախարարություն

***Նախագիծը պատրաստողը՝***

Արցախի Հանրապետության գյուղատնտեսության նախարարության աշխատակազմի իրավաբանական բաժին

\_\_\_\_\_  
(ստորագրությունը) **Եվ. Հակոբյան**